

1894 թ. տեղի ունեցաւ Սասունի կոտորածը, որ հաղարաւոր զոհեր խնց հայ ժողովրդից: 1908—9թ. բռնկւեց տաճկական յեղափոխութիւնը, կարծելով թէ փոփոխութեան պիտի ենթարկուի նաև պետական կազմն ու քաղաքականութիւնը, հայ ղեկավարները համաձայնութեան եկան երիտասարդ թիւրքերի հետ միասին կուելու բռնապետութեան դէմ. դժբախտաբար, նրանց յոյսերը այս անգամ ևս չարդարացան, և իբրև պատասխան այդ համաձայնութեան, տեղի ունեցաւ Ադանայի և Կիլիկիայի մեծ ջարդը 1909թ.: Ծածիկները անշեղ կերպով տանում էին իրենց դիժը, իսկ եւրոպական պետութիւնները նստաներից այն կողմը չէին անցնում: Դրութիւնը մնում էր նոյնը և հայ դատը դրադրութեանց մի անսպառ նիւթ էր միայն, երբ 1913թ. Պոլսում մշակւեց նոր ռեֆորմների նախագիծը. սակայն, 1914 թ. աշնանը բռնկւեց համաշխարհային պատերազմը, և դրանով վերջացաւ հայ դատի դիւանադատական շրջանը: Այնուհետև հայ ժողովուրդը հանդէս եկաւ անկախ կազմակերպութեամբ՝ նախ ազգային խորհուրդների և ապա պետութեան ձևով ու այժմ նրա մի մասը ճանաչւած է Գերագոյն Պորզրդի կողմից, ասել է նա արդէն ուրոյն պետական կազմակերպութիւն է միջազգային կշիռ և արժէք ունեցող:

Դիւանադատական աշխատանքներին զուգահեռ ընթացել է և ժողովրդական ինքնադործունէութիւնը՝ հայ յեղափոխական շարժումը. այդ շարժման ղեկավարն ու իղէալների մարմնացումն է եղել Հ.Յ.Դաշնակցութիւնը, որ երեսուն տարիներից ի վեր պայքարել, կուել, մեռել ու ապրել է այդ դադափարով ու նրա համար: Նրա պատմութիւնը ամենահերոսական ընդլիզումների ու պայքարների դրամաներից է կազմւած. իր կազմակերպած հայդուկային խմբերով Հայ Յեղափոխական Դաշնակցութիւնը անվերջ կուել է մղել տաճիկ բռնապետութեան դէմ և նրա աշխատանքը եղել է յօգուտ ոչ միայն հայ, այլ և տաճիկ ժողովրդի: Այդ շարժման մէջ իրենց տեղն ունէին հնչակեանները և ուրիշ շատ շատերը՝ անթիւ, անհամար ու անյայտ զոհեր, որոնք լուռ մարտնչել են հայ ժողովրդի ազատագրութեան համար: Դժւար է երևակայել այն մեծ զոհարերութիւնը, որ տւել է հայը — պատմութեան մէջ դժւար է գտնել մի ժողովուրդ, որ միայն պատերազմի ընթացքում կորցրած լինի իր մի քանորդ մասը ու նաև դժւար է գտնել այնպիսին, որ այդ բոլոր դժբախտութիւններից յետոյ դեռ ոչ ոք և միզումն ունենայ պայքարելու և ապրելու: 1914 թ. հայ ժողովուրդը ամենայն ոգևորութեամբ պատերազմի դաշտ նետւեց ու կրկին տւեց բազմաթիւ զոհեր իր արդար դատի սեղանի վրա. մէկ ու կէս միլիոնից աւելի զոհ է տւել հայը իր պայքարների ընթացքում: Բայց անսահման է նրա կենսունակութիւնը, բոլոր արհաւիրքներին դիմադրեց ու չմեռաւ նա, այլ յաղթեց. այդ յաղթանակի տօնն է այսօր:

Այսօր հայ ազատագրական շարժումը մտնում է իր երրորդ՝ պետական կազմակերպութեան շրջանը. Հայաստանը ճանաչուած է անկախ պետական օրգանիզմ, սակայն, ոչ իր իսկական սահմաններով: Դրա համար մենք դեռ ունենք անդուլ աշխատանք և ուժեղ կուել, որ պիտի տարւի ամենայն եռանդով: Այժմ, այս յաղթանակի օրը, արժէ, որ մենք յիշենք մեր մօտիկ անցեալը: Պատերազմի դուրս եկաւ հայը իբրև մի բոսանտիկ ժողովուրդ. հայ դիւզացիին, հայ գինւորը ժպիտ չունի երեսին, կուել ու մեռել է նա թախիծը դէմքին, բայց նրա մէջ անմեռ ու հաստատուն մնացել է ու կայ հաւատը. դա է մեր ժողովրդի բոսանտիզմը, որ տւել է անձնագոհութեան փայլուն օրինակներ: Ինչի՞ն ենք պարտական այս անկախութիւնը ստանալու համար: Եւրոպական պետութեանց շահերի հետ մէկտեղ իր դերագանց աղ-